

Тошкент давлат юридик университети
кенгашининг навбатдан ташқари 2-сон мажлис
БАЁННОМАСИ

2020 йил 2 октябрь

Тошкент шаҳри*

Раислик қилди: Р.Хакимов – ректор.

Кенгаш аъзолари: Д.Умаров, А.Ҳошимхонов, И.Рустамбеков, Н.Салаев, А.Иминов, И.Джураев, А.Тошпулатов, Ш.Якубов, А.Якубов, А.Бабаджанов, Б.Ходжаев, Ш.Сайдуллаев, У.Тухташева, Д.Умархонова, С.Муратаев, Д.Маҳкамов, И.Эргашев, Б.Мусаев, Д.Базарова, Д.Камалова, О.Нарзиев, Х.Очилов, Н.Имомов, Ш.Исмоилов, Г.Узакова, Г.Гулямова, Г.Носирходжаева, Д.Доқучаев, Д.Хабибуллаев, Х.Раджабов, Н.Гафурова, Ш.Пўлотов, С.Юсупов, Ш.Хўжаев, А.Матмуротов,

Б.Норматов – кенгаш котиби.

Мажлисга таклиф этилганлар: университет таркибий бўлим раҳбарлари.

Кун тартиби:

1. Ўзбекистон Республикаси Президенти Шавкат Мирзиёевнинг “Ўқитувчи ва мураббийлар куни”га бағишланган маърузасида белгиланган вазифалар

(Университет ректори Р.Хакимов);

2. Университетда бакалаврият босқичи 1-курсга қабул қилинган талабаларнинг ўқув жараёнларини ташкил этиш масаласи

(Университет ректори Р.Хакимов);

3. Ёш олимларни етакчи хорижий илмий ташкилотларда (марказлар, университетлар ва бошқалар) ишлаш методикасини ўзлаштириш учун қисқа муддатли илмий стажировкаларга юбориш

(Илмий бошқарма бошлиғи И.Эргашев);

4. Қўшма таълим дастурлари бўйича тўлов-контракт миқдорларини тасдиқлаш.

(Проректор в.б. А.Иминов)

(Р.Хакимов, И.Эргашев, А.Иминов, Р.Хакимов)

*Университет кенгашининг мажлис йиғилиши “Zoom” дастурий воситаси орқали онлайн видеоконференция кўринишида ўтказилди. Видеоконференция идентификатори 868 7097 0996.

Тошкент давлат юридик университети кенгаши мажлисини кенгаш раиси Р.Хакимов олиб борди ва кенгашда кворум мавжудлигини қайд этиб, кенгаш мажлисини очик деб эълон қилди. Кенгаш мажлисининг кун тартиби ва регламенти кенгаш томонидан тасдиқланди.

Кун тартибидаги биринчи масала – Ўзбекистон Республикаси Президенти Шавкат Мирзиёевнинг “Ўқитувчи ва мураббийлар кунини”га бағишланган маърузасида белгиланган вазифалар тўғрисида бўлиб, ушбу масала юзасидан университет ректори Р.Хакимов ахбороти эшитилди.

Мазкур масала юзасидан университет ректори сўзга чиқиб, 2020 йил 30 сентябрь кунини Ўзбекистон Республикаси Президенти Ш.Мирзиёев “Ўқитувчи ва мураббийлар кунини”га бағишланган тантанали маросимда нутқ сўзлаганлари, ушбу нутқларида 1 октябрь – Ўқитувчи ва мураббийлар кунини билан барча педагог ходимларни табриклаганлари, шунингдек таълим соҳасида амалга оширилган ислохотлар ва уларнинг сарҳисоби тўғрисида кўпгина масалаларга тўхталиб ўтганликлари, хусусан олий таълим соҳасида ютуқлар билан бирга бир қатор камчиликлар ва муаммоларни келтириб ўтганликларини қайд этди.

Шунингдек, университет ректори ўз сўзини давом эттириб, Давлат раҳбари нутқларидан муҳим иқтибосларни: хусусан, **“Илмдан бошқа нажот йўқ ва бўлиши ҳам мумкин эмас”**лиги, **“Энг катта бойлик – бу ақл-заковат ва илм, энг катта мерос – бу яхши тарбия, энг катта қашшоқлик – бу билимсизлик”** эканлиги ва буюк юнон олими Аристотелнинг **“Ватан тақдирини ёшлар тарбияси ҳал қилади”** деган сўзларини келтириб ўтди.

Бундан ташқари, университет ректори Президент нутқларида таълим соҳасида амалга оширилиши лозим бўлган бир қатор масала ва муаммолар муҳокама қилингани, хусусан бугун **ҳар бир ўқитувчи ва тарбиячи, олийгоҳ домласи** таълим ва илм-фан соҳасидаги энг сўнгги ижобий янгиликларни ўқув жараёнларига татбиқ эта оладиган, чуқур билим ва дунёқараш эгаси, бир сўз билан айтганда, замонамиз ва жамиятимизнинг энг илғор вакиллари бўлишлари кераклиги, бундай устозлар қўлида таълим олган фарзандларимиз биз орзу қилган Ўзбекистоннинг ёруғ келажагини бунёд этишга қодир авлод бўлиб камол топиши, лекин бу юксак натижаларга эришиш учун таълим тизимидаги мавжуд муаммоларни ҳал қилиш лозимлиги, олий таълим тизимининг вазифаси фақат талабаларга дарс беришдан иборат эмаслиги, университет ва институтлар илм-фан соҳасида ҳам фаол ишлаши, ёшларни илмий ишларга, катта-катта лойиҳаларга жалб этиши кераклиги, ушбу муассасаларда илмий-тадқиқот ишларини янада ривожлантириш мақсадида илмий-техник дастурлар доирасида амалга ошириладиган лойиҳалар

кўламини кенгайтириш, докторантурага қабул квоталарини кўпайтириш зарурлиги, **“рақамли иқтисодиёт”** даврида ахборот технологиялари соҳасида чуқур билим ва малакага эга бўлган, улардан унумли фойдалана оладиган замонавий мутахассислар миллий иқтисодиёт учун ниҳоятда зарур эканлиги, Ўзбекистонда илм-фан соҳаларини 2030 йилгача ривожлантириш концепцияси лойиҳасини ишлаб чиқиш лозимлигини таъкидлаганликларини қайд этди.

Юқорида келтирилган вазифалардан келиб чиқиб, университет ректори Тошкент давлат юридик университетда илм-фанни ривожлантириш бўйича бир қатор ишлар амалга оширилиши лозимлиги, хусусан Университетда илм-фанни ривожлантириш бўйича йўл харитаси ишлаб чиқилиши, ушбу йўл харитада кафедраларнинг илмий салоҳиятини ошириш масалалари, докторант ва мустақил изланувчилар билан ишлаш фаолияти, грант ва инновацион фаолият, илмий кенгаш фаолияти, халқаро базага кирувчи журналларда (Scopus) мақолаларни чоп этиш ва кафедрада клуб ва тўгараклари фаолиятини ҳамда кафедра факультетлар илмий алоқаларини такомиллаштиришга қаратилган чора-тадбирлар белгиланиши лозимлиги тўғрисида қайд этди.

Раислик этувчи университет педагог-ҳодимлари Давлат раҳбарининг маърузасини чуқур ўрганиб чиқиши ва ўз муносабатлари билдиришларини таъкидлаб, муҳокамани якунлади.

Мазкур масала бўйича университет кенгаши

ҚАРОР ҚИЛАДИ:

1. Ўзбекистон Республикаси Президенти Шавкат Мирзиёевнинг “Ўқитувчи ва мураббийлар куни”га бағишланган маърузасида белгиланган вазифалар тўғрисида университет ректори Р.Ҳакимовнинг ахбороти маълумот ва ижро учун қабул қилинсин.

2. Проректор Н.Салаев 2020 йил 10 октябрга қадар Давлат раҳбарининг маърузасидан келиб чиқиб, Университетда илм-фанни ривожлантириш бўйича йўл харитасини ишлаб чиқилишини таъминласин. Мазкур йўл харитада кафедра илмий салоҳиятини ошириш, докторантлар ва мустақил изланувчилар билан ишлаш, грантлар ва инновацион фаолиятни жонлантириш, бўлим ва кафедралар кесимида хизматлар прайс-листини шакллантириш, Илмий кенгашлар ишини жонлантириш, Scopus мақолаларни чоп этиш, Proof-reading хизматларини йўлга қўйиш, факультетлар илмий алоқаларини кучайтириш, кафедраларда клуб ва тўгараклар фаолиятини такомиллаштиришга қаратилган масалалар ва бошқа масалалар назарда тутилсин.

3. Университетда 4 йилдан ортиқ ишлаб келаётган ҳамда илмий тадқиқот ишини ҳимоя қилмаган педагог ходимлар меҳнат интизомий чораси қўлланилиши тўғрисида расмий огоҳлантирилсин ва 2021 йилнинг март ойига қадар илмий ишларини якунлаш учун муддат белгилансин.

4. Проректор А.Ҳошимхонов Давлат раҳбарининг маърузасида келтирилган иқтибос ёзувларини университетнинг тегишли жойларига ўрнатиш чораларини кўрсин.

5. Мазкур қарорнинг бажарилишини назорат қилиш ректор Р.Ҳакимов зиммасига юклансин.

Кун тартибидаги иккинчи масала – Университетда бакалаврият босқичи 1-курсга қабул қилинган талабаларнинг ўқув жараёнларини ташкил этиш тўғрисида бўлиб, ушбу масала бўйича университет ректори Р.Ҳакимовнинг ахбороти эшитилди.

Мазкур масала юзасидан университет ректори Р.Ҳакимов сўзга чиқиб, жорий ўқув йили бўйича олий таълим муассасаларига қабул имтиҳонлари натижалари эълон қилинганлиги, университет қабул квотаси бўйича 1-курсга қабул қилинган талабаларнинг контингенти шакллантирилганлиги, шу сабабли 2020/2021 ўқув йили бўйича 1-курс талабалари учун ўқув жараёнларини ташкил этиш бўйича бир қатор ишлар амалга оширилиши лозимлиги, хусусан жорий ўқув йилида университетга қабул қилинган ҳар бир талаба билан боғланиб табриклаш, маълумот бериш ҳамда почта орқали университет ректори номидан табрик хати юбориш; мазкур талабаларни университетнинг ижтимоий тармоқларига аъзо қилиш чораларини ташкил этиш; мазкур талабаларни университет фаолияти билан таништириш учун чора-тадбирлар режасини ишлаб чиқиш, унда ўқишнинг дастлабки ҳафталигида таништирув ҳафталигини ўтказиш тадбирлари, дарс жадвали ва таништирув маълумотларини шакллантириш, Тошкент шаҳри ва вилоятида яшовчи талабалар учун университетда таништирув ҳафталиги ўтказиш ва бошқа вилоятларда яшовчи талабалар учун вилоятлардаги юридик техникумлар базасидан фойдаланган ҳолда ҳамда университет билан онлайн боғланган шаклда таништирув ҳафталигини ўтказиш, кафедралар кесимида тегишли педагог ходимларни бириктириш чораларини белгилаш лозимлигини қайд этди.

Шунингдек, университет ректори кафедралар кесимида дарс машғулотларини учун зарур контентларнинг тўлиқлиги масаласига тўхталиб ўтиб, университетнинг “Меҳнат ҳукуқи” ва “Криминалистика ва суд экспертизаси” кафедраси томонидан контентларни тайёрлаш ишлари охирига

етказилмаганлиги бўйича огоҳлантириш берди ҳамда ҳар бир контент материаллари тўлиқ ва сифатли тайёрланиши бўйича кафедра мудирлари масъул эканлигини яна бир бор қайд этди.

Раислик этувчи таништирув ҳафталиги бўйича ўқув жараёнлари карантин қоидаларига қатъий риоя қилинган ҳолда ўтказилиши лозимлигини қайд этиб, муҳокамани якунлади.

Мазкур масала бўйича университет кенгаши

ҚАРОР ҚИЛАДИ:

1. Университетда бакалавриат босқичи 1-курсга қабул қилинган талабаларнинг ўқув жараёнларини ташкил этиш тўғрисида университет ректори Р.Ҳакимовнинг ахбороти маълумот ва ижро учун қабул қилинсин.

2. Факультет деканлари:

жорий ўқув йилида университетга қабул қилинган ҳар бир талаба билан боғланиб, табриклаш ҳамда почта орқали университет ректори номидан табрик хати юбориш чораларини 2020 йил 5 октябрга қадар таъминласин;

мазкур талабаларни университетнинг ижтимоий тармоқларига аъзо бўлиш чораларини ташкил этсин.

3. Проректор И.Рустамбеков факультет деканлари билан биргаликда:

жорий ўқув йилида 1-курсга қабул қилинган талабаларни университет фаолияти билан таништирув ҳафталигини ўтказиш режаси ҳамда дарс жадвали ишлаб чиқилишини таъминласин;

таништирув ҳафталигини юқори савияда ўтказиш чоралари, дарс жадвали ва таништирув маълумотларини шакллантириш, Тошкент шаҳри ва вилоятида яшовчи талабалар учун университетда таништирув ҳафталиги ўтказиш ва бошқа вилоятларда яшовчи талабалар учун вилоятлардаги юридик коллежларда таништирув ҳафталигини ўтказиш, кафедралар кесимида тегишли педагог ходимларни бириктириш ишларини амалга оширсин.

4. Мазкур қарорнинг бажарилишини назорат қилиш ректор Р.Ҳакимов зиммасига юклансин.

Кун тартибидаги учинчи масала – Ёш олимларни етакчи хорижий илмий ташкилотларда (марказлар, университетлар ва бошқалар) ишлаш методикасини ўзлаштириш учун қисқа муддатли илмий стажировкаларга юбориш тўғрисида бўлиб, ушбу масала бўйича Илмий бошқарма бошлиғи И.Эргашевнинг ахбороти эшитилди.

Мазкур масала юзасидан бошқарма бошлиғи И.Эргашев сўзга чиқиб, Инновацион ривожланиш вазирлиги томонидан ёш олимларни етакчи

хорижий илмий ташкилотларда (марказлар, университетлар ва бошқалар), шу жумладан илмий лабораторияларни жиҳозлаш учун сотиб олинadиган юқори технологик асбоб-ускуналарда ишлаш методикасини ўзлаштириш учун қисқа муддатли илмий стажировкаларга юбориш мақсадида танлов эълон қилинган, танловда олий таълим муассасасининг ёши 25 дан 45 гача бўлган илмий ва техник-муҳандис ходимлари илмий стажировка ўташга номзод сифатида тавсия этилиши белгилангани, шунга кўра илмий стажировка ўташга тавсия қилинувчи номзодлар тўғрисидаги маълумот тақдим этиш сўралганини қайд этди. Шунингдек, Ўзбекистон Республикаси Инновацион ривожланиш вазирининг 2018 йил 4 июндаги 14/5-сон буйруғи билан тасдиқланган “Ёш олимларни етакчи хорижий илмий ташкилотларда (марказлар, университетлар ва бошқалар), шу жумладан илмий лабораторияларни жиҳозлаш учун сотиб олинadиган юқори технологик асбоб-ускуналарда ишлаш методикасини ўзлаштириш учун қисқа муддатли илмий стажировкаларга юбориш мақсадида уларни танлов асосида саралаш тартиби тўғрисида”ги низомнинг 9-бандига кўра мазкур танловда қатнашувчи номзодлар Олий таълим муассасасининг Илмий кенгаши қарори асосида тавсия этилиши белгиланганини қайд этди.

Юқоридагилардан келиб чиқиб, Ўзбекистон Республикаси Инновацион ривожланиш вазирлигининг ёш олимларни илмий стажировкага юбориш учун танловда иштирок этиш бўйича номзодларнинг ҳужжатлари билан кенгаш аъзоларини таништирди ва танловда қатнашиш учун мазкур номзодларни тавсия этиш овозга қўйилди.

Мазкур масала бўйича университет кенгаши

ҚАРОР ҚИЛАДИ:

1. Ёш олимларни етакчи хорижий илмий ташкилотларда (марказлар, университетлар ва бошқалар) ишлаш методикасини ўзлаштириш учун қисқа муддатли илмий стажировкаларга юбориш тўғрисида Илмий бошқарма бошлиғи И.Эргашевнинг ахбороти маълумот учун қабул қилинсин.

2. Тошкент давлат юридик университетининг қуйидаги ходимлари хорижий илмий ташкилотларда қисқа муддатли илмий стажировка ўташ бўйича танловда қатнашиш учун тавсия этилсин:

1) Жиноят ҳукуқи, криминология ва коррупцияга қарши курашиш кафедраси ўқитувчиси Шамсидинов Зайниддин Зиёвиддинович;

2) Тошкент давлат юридик университети Суд, ҳуқуқни муҳофаза қилувчи органлар ва адвокатура кафедраси ўқитувчиси Қодиралиев Саддам Бахтиёржон ўғли;

3) Тошкент давлат юридик университети “Халқаро ҳуқуқ ва инсон ҳуқуқлари” кафедраси ўқитувчиси Валижонов Далер Дилшодович;

4) Тошкент давлат юридик университети Давлат ва ҳуқуқ назарияси кафедраси ўқитувчиси Содиков Акмал Шавкат ўғли;

5) Тошкент давлат юридик университети “Конституциявий ҳуқуқ” кафедраси ўқитувчиси Қосимов Ботиржон Маъруфжон ўғли;

6) Тошкент давлат юридик университети “Маъмурий ва молия ҳуқуқи” кафедраси ўқитувчиси Аҳроров Адхамжон Асроркул ўғли;

7) Тошкент давлат юридик университети “Криминалистика ва суд экспертизаси кафедраси” мудири Курбанов Маъруфжон Мамадаминович;

8) Тошкент давлат юридик университети Суд, ҳуқуқни муҳофаза қилувчи органлар ва адвокатура кафедраси катта ўқитувчиси Нурумов Дилшодбек Джумабаевич;

9) Тошкент давлат юридик университети Ҳуқуқий ташаббуслар ва инновациялар маркази Илмий-инновацион ишланмаларни тижоратлаштириш бўлими бошлиғи Рамазонова Наргиза Абдирашидовна;

10) Тошкент давлат юридик университети Илмий бошқарма бош мутахассиси Рахмонов Отабек Қўчқор ўғли.

3. Мазкур қарорнинг бажарилишини назорат қилиш проректор Н.Салаев зиммасига юклансин.

Кун тартибидаги туртинчи масала – Университет томонидан Беларусь Республикаси Я.Купала номидаги Гродно давлат университети ҳамда Қозоғистон Республикаси М.С.Нарикбаев номидаги ҚОЗГЮУ университети билан ҳамкорликда амалга оширилаётган қўшма таълим дастурлари бўйича тўлов-контракт миқдорларини тасдиқлаш тўғрисидаги бўлиб, ушбу масала юзасидан университет молия-иқтисод ишлари бўйича проректори в.б. А.Иминовнинг ахбороти эшитилди.

Мазкур масала юзасидан А.Иминов сўзга чиқиб, Ўзбекистон Республикаси Президентининг 2019 йил 11 июлдаги “Олий ва ўрта махсус таълим тизимида бошқарувнинг янги тамойилларини жорий этиш чора-тадбирлари тўғрисида”ги 4391-сон Қарори 11-бандига кўра маҳаллий ва хорижий олий таълим муассасаларининг ўзаро келишуви доирасида амалга оширилаётган қўшма таълим дастурлари, жумладан қўшма факультетларда: талабаларни қабул қилиш тартиби, тўлов-контракт асосида ўқитиш қиймати ҳамда маҳаллий ва хорижий профессор-ўқитувчилар меҳнатига ҳақ тўлаш миқдорлари ҳамкор хорижий олий таълим муассасалари билан келишув асосида амалга оширилиши белгилангани, қўшма таълим дастурлари

талабалари 1–2 курслар ҳамда 4 курс давомида чет элда таҳсил олишларини, чет элда бўлган шахслар билан тузилган тўлов-контракт шартномаларга инфляция масалисида ўзгартишларни киритиш мураккаблигини, шу сабабли хорижий ҳамкорлар томонидан ўқишга тавсия этилган абитуриентларни университетга ўқишга қабул қилиш ва тегишли ректор буйруғини тайёрлашда инфляцияни ҳисобга олган ҳолда тўлов-контракт шартномаларини расмийлаштириш зарурлигини қайд этди.

Шунингдек Ўзбекистон Республикаси Президентининг 2017 йил 2 сентябрдаги “Валюта сиёсатини либераллаштириш бўйича биринчи навбатдаги чора-тадбирлар тўғрисида”ги ПФ–5177-сон Фармонида мувофиқ тўлов-контракт миқдорларини хорижий валюта эквивалентида расмийлаштириш тақиқланганлигини алоҳида қайд этиб, Тошкент давлат юридик университетига тегишли тўлов-контракт миқдорларини Ўзбекистон Республикасида белгиланган базавий ҳисоблаш миқдорларига тенглаштирилган ҳолда қуйидагича белгилашни таклиф этилди:

1. Беларусь Республикаси Янка Купала номидаги Гродно давлат университети билан қўшма таълим дастури бўйича 2020/2021ўқув йилида қабул қилинган талабалар учун:

а) 1–4 ва 7–8 семестрлар учун – бир ўқув йили учун базавий ҳисоблаш миқдорининг 42 баравари;

б) 5–6 семестрлар учун – бир ўқув йили учун базавий ҳисоблаш миқдорининг 125 баравари;

2. Қозоғистон Республикаси М.С.Нарикбаев номидаги ҚОЗГЮУ университети билан қўшма таълим дастурлари бўйича 2020/2021ўқув йилида қабул қилинган талабалар учун:

а) 5–6 семестрлар учун – бир ўқув йили учун базавий ҳисоблаш миқдорининг 140 баравари;

б) 8 семестр учун – бир семестр учун базавий ҳисоблаш миқдорининг 93 баравари.

Юқоридагилардан келиб чиқиб, университет билан қўшма таълим дастурлари бўйича тўлов-контракт миқдорларини тасдиқлаб беришни кенгаш аъзоларидан сўради.

Раислик этувчи муҳокамани якунлади.

Раислик этувчи мазкур масала юзасидан тайёрланган қарор лойиҳаси бўйича кимда қандай таклиф ва мулоҳазалар борлигини, агар таклиф ва мулоҳазалар бўлмаса, кенгаш аъзоларидан овоз беришларини сўради.

Ҳамма рози, бетараф ва қаршилар йўқ.

Мазкур масала бўйича университет кенгаши

ҚАРОР ҚИЛАДИ:

1. Университет томонидан Беларусь Республикаси Я.Купала номидаги Гродно давлат университети ҳамда Қозоғистон Республикаси М.С.Нарикбаев номидаги ҚОЗГЮУ университети билан ҳамкорликда амалга оширилаётган қўшма таълим дастурлари бўйича тўлов-контракт миқдорларини тасдиқлаш тўғрисидаги Университет молия-иқтисод ишлари бўйича проректори в.б. А.Иминовниг ахбороти маълумот ва ижро учун қабул қилинсин.

2. Университет билан ҳамкорликда амалга оширилаётган қўшма таълим дастурлари бўйича тўлов-контракт миқдорлари қуйидагича тасдиқлансин:

Беларусь Республикаси Янка Купала номидаги Гродно давлат университети билан қўшма таълим дастури бўйича 2020/2021ўқув йилида қабул қилинган талабалар учун:

а) 1–4 ва 7–8 семестрлар учун – бир ўқув йили учун базавий ҳисоблаш миқдорининг 42 баравари;

б) 5–6 семестрлар учун – бир ўқув йили учун базавий ҳисоблаш миқдорининг 125 баравари;

Қозоғистон Республикаси М.С.Нарикбаев номидаги ҚОЗГЮУ университети билан қўшма таълим дастурлари бўйича 2020/2021ўқув йилида қабул қилинган талабалар учун:

а) 5–6 семестрлар учун – бир ўқув йили учун базавий ҳисоблаш миқдорининг 140 баравари;

б) 8 семестр учун – бир семестр учун базавий ҳисоблаш миқдорининг 93 баравари.

3. Бухгалтерия (М.Парпиев) томонидан Беларусь Республикаси Я.Купала номидаги Гродно давлат университети ҳамда Қозоғистон Республикаси М.С.Нарикбаев номидаги ҚОЗГЮУ университети билан ҳамкорликда амалга оширилаётган қўшма таълим дастурлари бўйича шартномаларни тузишда мазкур тасдиқланган тўлов-контракт миқдорларига қатъий риоя этилсин.

4. Мазкур қарор ижросини назорат қилиш проректор в.б. А.Иминов зиммасига юклатилсин.

Кенгаш раиси



Р.Хакимов

Кенгаш котиби

Б.Норматов

